

ممکن توعدنى ..؟؟؟

ممکن توعدنى ..؟؟؟

لما الايام تيجى عليا تبقى معايا حبيبي عليها

وأما اتغرب يوم عن روحى ادور فيك من تانى الاقيها

وأما السنين تاخذنى

حنان قلبك يجيبنى

ايامى هتحاسبنى

لو انت مش فيها



ممکن توعدنى ..؟؟؟

اكون لك عين يا حبيبي وانت الننى

مسموح لك حتى من غير اذنى

تدخل كل ركن ف قلبى

تسكن روحى وهو دا طلبى ..

وإن سألوني يوم عن حبي

قلبي هاسيبه يجاوب عنى



انت عينيا وروحي وعيني

حب باعيشه وفيه بالاقيني

قلب يكمل اللي ناقصنى

يا اللي وجودك بيظمنى

انت بجد اللي محسسنى

إن انا عايشة احلى سنينى



ممکن توعدنى..؟؟

تبقى ف جرحى حبيبي دوايا

ايدك ف ايديا وتبقى معايا

تفهمنى من غير ما اتكلم

تقرانى تلقانى باسلم

قلبى اللى سايبنى وبيك مغرم

الى ما لا نهايه !!..



ممکن توعدنى..؟؟

ابقى لك اختك وحبيبتك

وتشوفنى ف براءة بنتك

قادره ووجد انى امدك

بجسر حنان موصل عندك

والدنيا ايه تسوى ف بعدك

دا شويه أقول انى عشقتك !!..

